

ՊԱՇՏԱՄՈՒՆՔԱՅԻՆ ՕՋԱԽՆԵՐ ՕՇԱԿԱՆԻՑ

1971 թ. սկսած ՀՍՍՀ ԳԱ հնագիտության և ազգագրության ինստիտուտի Օշականի արշավախումբը պեղումներ է կատարում գյուղի կենտրոնում գտնվող մեծ և փոքր բլուրների վրա, որտեղ այլ հուշարձանների հետ միասին, փոքր բլուրի լանջին, պեղվում են մ. թ. ա. VII դ. պալատական համալիրների մնացորդներ: Ներկայումս ավարտվել են առաջին համալիրի պեղումները, և մասնակիորեն պեղվել է երկրորդը: Երկու համալիրները միանում են ընդարձակ բակով: Նշված հուշարձաններից հայտնաբերված մեծաքանակ հնագիտական նյութը ցույց է տալիս, որ պալատները կառուցվել են մ. թ. ա. VII դ. և զոյատեղ են մինչև մ. թ. ա. V դ.: Հետագայում, պալատական շենքերի ներսում և շրջակայքում այդ շինությունների պատերի քարերով կառուցվել են մ. թ. ա. III—մ. թ. III դդ. թվագրվող անտիկ դամբարաններ:

Պեղումների ընթացքում պարզվել է, որ մ. թ. ա. V դ. հետո պալատական շինությունների մի մասը քանդվել է, որի մասին վկայում են պեղումների հետևանքով սենյակներում հայտնաբերված մոխրի և տանիքների ծածկերի վառված մնացորդները: Հետագա շրջանում այդ սենյակները վերակառուցվել են՝ առանց հատակագծի փոփոխման: Մի քանի սենյակներ՝ մասնավորապես սրբատեղիները, դրանից բացի, իրենց ներքին հարդարանքով ենթարկվել են արժատական վերափոխման: № 20, 22, 25 և 27 սենյակներում սրբատեղիները վեր են ածվել մեծ սենյակների՝ պաշտամունքային օջախներով:


Առանձնապես մեծ վերակառուցումների են ենթարկվել № 25 և 27 սենյակները, որոնք եղել են ընդարձակ սյունապարզ դահլիճներ՝ յուրաքանչյուրը համապատասխանաբար 150 և 100 քառ. մ մակերեսով: Այդ դահլիճների ծածկը հենվել է երկու շարքով դասավորված ուժեղացված սյուների վրա: № 25 կացարանում, վերակառուցման ժամանակ, անց է կացվել շենքի անցնող միջնապատ, որը, ի տարբերություն հին պատերի, կառուցված է կոպիտ, անտաշ, մանր բարբրից, որոնց հետ երբման օգտագործվել են խոշոր գետնաքարեր, մի հանդամանք, որը չի նկատվում մ. թ. ա. VII դ. պատերի շարվածքի մեջ: Այդ միջնապատը նախկին դահլիճը բաժանում է երկու համարյա հավասար սենյակների: Առաջին սենյակը պահպանել է իր նախկին՝ դեպի բակ տանող մուտքը: Այս սենյակի հյուսիս-արևմտյան անկյունում № 26 սենյակի պատին ուղղահայաց, խսկ բակի պատին դուղահեն՝ կառուցվել է 3,5 մ երկարությամբ կոպիտ միջնապատ, որի հետևանքով այստեղ կաղմվել է փոքրիկ խորշ: Դրա հյուսիս-արևմտյան անկյունում տեղադրված է 1×0,5 մ չափերի մի օվալաձև օջախ, որի պատերն ունեն 25 սմ լայնություն և 15 սմ բարձրություն, որոնք 5 սմ խորությամբ թաղված էին հողի մեջ (նկ. 1): Հատակը սվաղված է 4—5 սմ հաստությամբ կավով: Օջախի պատերը և հատակը ներսից օգտագործման հետևանքով թրծվել են: Այսպիսով, վերակառուցման շնորհիվ նախկին դահլիճի հյուսիս-արևմտյան անկյունում առաջացել է 7 քառ. մ մակերեսով մի փոքրիկ սենյակ, որը կրկնակի դռներ ունենալու հետևանքով (խորշի և դահլիճի) կազմում է յուրահատուկ մեծ սենյակ: Նշված օջախով:

Նույն դահլիճի վերափոխումից ստեղծված երկրորդ սենյակում օջախը տեղադրված է հյուսիս-արևմտյան մասում և կցված է արտաքին պատին: Այն ունի ուղղանկյուն ձև, 70×45 սմ չափեր և 10 սմ խորություն (նկ. 2): Արտաքին պատի մոտ տեղադրված է ուղղանկյուն կտրվածքով մի փոքրիկ սյուն, որից աչ ու ձախ անցնում են հատակի մեջ տեղադրված կավի պատերը: Այդ սենյակի մուտքը բացվում է բակ տանող միջանցքի վրա: Լրացուցիչ պատի բա-

1 Степан Есаян, Арам Калантарян, Антияный некрополь Ошакана (ՀՍՍՀ ԳԱ «Լրաբեր», 1976, № 12, էջ 28—40):

ցակայության պատճառով այստեղ կրկնակի դռների սկզբունքը հարավոր չի եղել կիրառելի, հավանաբար, հրկրորդ դռը տեղադրվել է նախկին միջանցքում:

Մեծ փոփոխություններ են կատարվել № 27 սենյակում: Այստեղ հարավ-արևմտյան անկյունում ստեղծվել է տնտեսական նշանակությամբ փոքրիկ խորշ, որի պատը ծածկում է № 1 սյան խարխախը: Հյուսիսային պատի ուղղությամբ քարերից և հողից կառուցված 10×3 , $6 \times 0,5$ մ չափերի հենահարթակը ծածկում է № 5—8 սյուների խարխախները: Այս հե-



նահարթակի արևմտյան մասում պատին կցվել է 20 սմ բարձրությամբ մի հարթակ, որից դեպի մեջյան է տանում 1 մ լայնությամբ տուֆե սալերից շարված ուղի2:

Այս սենյակի հարավ-արևմտյան մասում, ինչպես № 25 սենյակի առաջին կեսում, կառուցվել է նման խորշ, որի արևմտյան պատին կից բացվեց մի օջախ: Այն կազմված է ուղղահայաց դրված $50-70$ սմ բարձրությամբ չորս քարե սյուներից, որոնց միջև երեք կողմից տեղադրված են 50 սմ բարձրությամբ քարե սալեր: Օջախի ներսի տարածությունը 98×70 սմ է (նկ. 3): Այսպիսով, օջախի երեք կողմերը ծածկվել էին, և բաց էր մնում միայն առջևի՝ արևելյան կողմը: Օջախի հատակը սվաղված է 5 սմ հաստությամբ կավի շերտով, որը պատերի նման խիստ վառված է՝ օգտագործման հետևանքով: Հատակին հայտնաբերվեց մեծ քանակությամբ մոխիր և փայտածուխ: Ինչպես № 25 սենյակի առաջին կեսում, այստեղ ևս կառուցվել է մեհյան՝ կրկնակի դռների նույն սկզբունքով:

Նման սկզբունքով է կառուցված № 20 սենյակի մեհյանը: Այստեղ կառուցվել է նույնափայլ պատ, իսկ ներսում՝ № 25 և 27 սենյակներում կառուցված է նման խորշ կազմող մի

2 С. А. Есаян, Раскопки колонного зала в Ошакане («Археологические открытия» за 1979 г.), М., 1980, с. 424).

պատ: Խորշի ներսում կառուցվել է № 27 դահլիճի օջախի տիպի օջախ, որի առջևի բաց պատն ուղղված է դեպի հյուսիս. օջախի չափերն են 82×75 սմ (նկ. 4):

Կրկնակի դռների այդպիսի սկզբունք է նկատվում նաև № 22 սենյակում, որի արևելյան անկյունում կառուցված էր $3,57 \times 2,42 \times 0,5$ մ չափերի մի հարթակ, որի պատի մեջ հայտնաբերվեց № 25 սենյակի այսն խարխուլներից մեկը: Այդ հանգամանքը վկայում է այն մասին, որ վերականգնումից հետո փոխվել է ոչ միայն սենյակների կիրառական նշանակությունը, այլև ծածկի ձևը: Այդ հարթակի վրա պեղվել է հրկու օջախ: Դրանցից մեկը գտնվում է հարթակի հյուսիս-արևելյան անկյունում և ուղղանկյունաձև է: Այն կառուցված է 7 հարթ տուֆ բարից և ունի 93×47 սմ չափեր (նկ. 5): Նրա հատակը սվաղված է կավով, որն օգտագործումից այրվել է: Օջախի կենտրոնում, նրա երկայնակի առանցքով, պահպանվել են ոչ բարձր պատի այրված մնացորդներ: Ակնհայտ է, որ այս օջախը երկմասանի է և կարող էր, ամենայն հավանականությամբ, օգտագործվել տարբեր ձևերի համար: Երկրորդ օջախը գտնվում է նույն հարթակի հարավ-արևելյան անկյունում և նման է № 25 սենյակի օվալաձև օջախին՝ այն տարբերությամբ, որ այս օջախի մի կողմը բաց է: Այն ամենափոքրն է և ունի 50×30 սմ չափեր և 8 սմ խորություն: Հատակը մյուս օջախների նման սվաղված է կավով, որը օգտագործումից խիստ թրծվել է (նկ. 6):

Ինչպես ցույց են տալիս Օշականի պեղումները, մ. թ. ա. V դ. հետո հանդես է գալիս նոր՝ կրակի պաշտամունքը: Այդ նոր պաշտամունքին նվիրված օջախները, հավանաբար, ունեցել են տարբեր պաշտամունքային նշանակություն և օգտագործվել են զանազան ձևերի ժամանակ: Պեղումներից երևում է, որ, շնայած Օշականի պալատական համալիրում կյանքն անընդմեջ շարունակվել է, բայց ոչնչացվել են մ. թ. ա. VII դ. ժամանակաշրջանի պաշտամունքի հուշարձանները՝ սյունակուռքերը, արձանները, ֆալուաները: Դրանց մի մասն օգտագործվել է պատերի վերականգնման համար որպես շինանյութ, իսկ մյուսները՝ շարգված վիճակում հայտնաբերվել են տեղերում:

Այսպիսով, ակնհայտ է դառնում, որ հին կրոնի փոխարեն առաջ էր եկել կրակի պաշտամունքը: Այդ ամենը տեղի է ունեցել մ. թ. ա. VI—V դդ., երբ Հայաստանը գտնվում էր Աքեմենյան Իրանի տիրապետության ներքո և կրակի պաշտամունքը տիրապետող էր դարձել ու կառուցվել էին մի շարք մեհյաններ: Դատելով կառուցվածքների առանձնահատկություններից, կարելի է ենթադրել, որ դրանք կրել են ոչ թե իրանական իշխողների պաշտոնական շինությունների, այլ տեղական բնակչության հուշարձանների բնույթ:

ԼԵՈՆԻԿ ԲԻՅԱԳՈՎ, ՆՈՐԱ ՆԵԳԻՐԱՐՅԱՆ

Յ նման վերափոխումներ հայտնի են նաև այլ հուշարձաններից (К. Л. Оганесян, Крепость Эребуни, Ереван, 1980, с. 104).